

KOMISIJA ZA PRIPREMANJE PRIJEDLOGA ZA IZBOR JEDNE/OG SARADNIKA/CE U NAUČNONASTAVNO ZVANJE ASISTENT/ICA NA NAUČNOJ OBLASTI FINANSIJSKO PRAVO, u sastavu:

Prof. dr. Edina Sudžuka, redovna profesorica Univerziteta u Sarajevu – Pravnog fakulteta na naučnoj oblasti Finansijsko pravo, predsjednica i članica;

Prof. dr. Elena Neshovska K Joseva, vanredna profesorica, na Pravnom fakultetu „Iustinianus Primus“, Univerzitet Sv. Kiril i Metodij u Skoplju na naučnoj oblasti Finansijsko pravo, članica.

Prof. Dr. Bojana Vasiljević Poljašević, vanredna profesorica na Pravnom fakultetu, Univerziteta u Banjoj Luci na užoj naučnoj oblasti finansijsko pravo, članica;

VIJEĆU

UNIVERZITETA U SARAJEVU - PRAVNOG FAKULTETA

Predmet: Izvještaj Komisije za pripremanje prijedloga za izbor jednog/e saradnika/ce u naučnonastavno zvanje viši/a asistent/ica na naučnoj oblasti Finansijsko pravo

Podaci o objavljenom konkursu i formiranju komisije

a) Univerzitet u Sarajevu na osnovu člana 121. Zakona o visokom obrazovanju („Službene novine Kantona Sarajevo“, broj: 36/2022 i 28/2025. dalje: ZVO) i člana 234. Statuta Univerziteta u Sarajevu, broj: 01-14-35-1/23 od 26.7.2023. godine, usvojenog dinamičkog plana potreba Univerziteta u Sarajevu – Pravnog fakulteta za raspisivanjem konkursa za izbor u zvanje u akademskoj 2025/2026. godini br. 01-972/25 od 3.9.2025. godine, Odluke Senata Univerziteta u Sarajevu, br. 01-11-24/26 od 29.04.2026. godine, raspisao je konkurs za izbor jednog/jedne višeg/e asistenta/ice na predmetima naučne oblasti Finansijsko pravo. Konkurs je objavljen u dnevnom listu „Dnevni avaz“ i na web stranicama Univerziteta u Sarajevu (dalje: UNSA) i UNSA - Pravnog fakulteta dana 11.05.2026. godine. U roku za podnošenje prijava na konkurs (15 dana od dana objavljivanja) za izbor u zvanje više/g asistentice/a na naučnu oblast Finansijsko pravo prijavio se jedan kandidat (Potvrda o prijavama na konkurs za izbor jednog

saradnika/ce u zvanje viši/a asistent/ica na naučnoj oblasti Finansijsko pravo, broj: 01-843/26 od 29.5.2026. godine).

b) Vijeće Univerziteta u Sarajevu - Pravnog fakulteta je na svojoj CXI redovnoj sjednici održanoj 3.6.2026. godine na osnovu člana 123. stav 1. ZVO i člana 236. Statuta UNSA, broj 01-14-35-1/23 od 26.7.2023. godine, donijelo Odluku o imenovanju Komisije za pripremanje prijedloga za izbor jednog/e saradnika/ice u zvanje asistenta/ice na predmetima naučne oblasti Finansijsko pravo i utvrđivanju adekvatnosti naučne oblasti, broj: 01-803-1/26 (dalje: Komisija) u sastavu:

1. Prof. dr. Edina Sudžuka, redovna profesorica Univerziteta u Sarajevu – Pravnog fakulteta na naučnoj oblasti Finansijsko pravo, predsjednica i članica;
2. Prof. dr. Elena Neshovska K Joseva, vanredna profesorica, na Pravnom fakultetu „Justinianus Primus“, Univerzitet Sv. Kiril i Metodij u Skoplju na naučnoj oblasti Finansijsko pravo, članica.
3. Prof. Dr. Bojana Vasiljević Poljašević, vanredna profesorica na Pravnom fakultetu. Univerziteta u Banjoj Luci na užoj naučnoj oblasti finansijsko pravo, članica;

c) Na osnovu Odluke o imenovanju Komisije za pripremanje prijedloga za izbor i utvrđivanju adekvatnosti naučne oblasti, broj: 01-803-1/26 od 03.06.2026. godine, zadatak Komisije je da podnese pisani Izvještaj sa prijedlogom Vijeću UNSA - Pravnog fakulteta u Sarajevu u skladu sa tekstom raspisanog konkursa u roku od 30 dana od dana sastavljanja Komisije, u skladu sa odredbom člana 236. stav 6. Statuta Univerziteta u Sarajevu.

Komisija je, pored Odluke o imenovanju, zaprimila i Potvrdu Sekretara Pravnog fakulteta broj: 01-843/26 od 29.5.2026. godine o blagovremenosti pristiglih prijava i broju prijavljenih kandidata na Konkurs. Navedenom Potvrdom, konstatovano je, u skladu sa odredbama člana 255. Statuta Univerziteta u Sarajevu broj: 01-14-35-1/23, da se na konkurs prijavio jedan kandidat. Hadžijusufović Haris, mr. Iur., te da je predmetna prijava blagovremena. Za potrebe rada Komisije, sačinjen je Poslovnik o radu i dostavljen članicama Komisije 10.6.2026. godine.

Komisija je, u prisustvu Sekretara Fakulteta, održala konstitutirajuću sjednicu dana 11.06.2026. godine, i usvojila Poslovnik o radu Komisije za pripremanje prijedloga za izbor jednog/e saradnika/ce u zvanje više/g asistenta/ice na naučnoj oblasti Finansijsko pravo, te otvorila prijavu i pregledala dokumentaciju dostavljenu u/uz prijavu na konkurs.

Sekretar Fakulteta, Potvrdom o potpunosti i urednosti prijave na konkurs za izbor jednog/e saradnika/ce u zvanje višeg/e asistenta/ice na naučnoj oblasti Finansijsko pravo broj: 01-910/26 od 11.6.2026. godine, konstatovao je potpunost (urednost) pristigle prijave na konkurs.

Prijavu na Konkurs za izbor jednog/e saradnika/ce u zvanje višeg/e asistenta/ice na naučnoj oblasti Finansijsko pravo podnio je jedan (1) kandidat:

1. Haris Hadžijusufović, mr. Iur.

d) Nakon što je razmotrila prijavu i priloženu dokumentaciju prijavljenog kandidata, Komisija u skladu sa čl. 124. ZVO i člana 236. Statuta Univerziteta u Sarajevu iz 2023. godine, (dalje: Statut) podnosi slijedeći

IZVJEŠTAJ

– Prijave kandidata/kinja

Na osnovu pisane Potvrde o prijavama kandidata/kinja na konkurs za izbor jednog/e saradnika/ce u zvanju višeg/e asistenta/ice na naučnoj oblasti Finansijsko pravo, Sekretara UNSA - Pravnog fakulteta broj 01-843/26 od 29.5.2026. godine, Komisija konstatuje da se na konkurs za izbor jednog/e saradnika/ce u zvanju višeg/e asistenta/ice na naučnoj oblasti Finansijsko pravo, prijavio jedan (1) kandidata i to:

1. Haris Hadžijusufović, mr. Iur.

Prijava na konkurs je zavedena pod brojem 01-808/26 od 22.05.2026. godine na protokolu UNSA-Pravnog fakulteta. Kandidat je dostavio sljedeću dokumentaciju:

1. Prijavu na konkurs za izbor jednog/e višeg/e asistenta/ice na UNSA;
2. Biografiju (CV); (original) – u štampanoj i elektronskoj formi
3. Uvjerjenje o državljanstvu (original);
4. Izvod iz matične knjige rođenih (original);
5. Diplomu o završenom I ciklusu studija sa dodatkom diplomi (ovjerene fotokopije);
6. Diplomu o završenom II ciklusu studija sa dodatkom diplomi (ovjerene fotokopije);
7. Potvrdu broj: 01-748/26 od 14.05.2026. godine o zasnovanom radnom odnosu sa punim radnim vremenom na Univerzitet u Sarajevu – Pravnom fakultetu u zvanju asistenta na naučnoj oblasti Finansijsko pravo (original);
8. Potvrdu 01-615-1/26 od 17.04.2026. godine o evaluaciji akademskog osoblja (original);

9. Certifikat broj: 0101-5478-3/23 od 24.05.2023. godine o pohađanju modula u okviru „Training and Reseach for Academic Nuewcomers“ (TRAIN) i dodijeljenih 6 ECTS bodova (original);
10. Uvjerenje od novembra 2022. godine za sudjelovanje u dvodnevnoj obuci za akademsko nastavno osoblje iz oblasti primjene asistivne tehnologije u nastavnom procesu (original);
11. Potvrda broj: 01-782/26 od 20.05.2026. godine o članstvu u Vijeću Debatno-retoričkog kluba Pravnog Fakulteta Univerziteta u Sarajevu i vršenju dužnosti koordinatora Kluba;
12. Uvjerenje broj: 08.020/153-933/20 od 25.09.2020. godine o položenom pravosudnom ispitu (ovjerena fotokopija);
13. Priznanje 114/17 od 02.12.2017. godine „Srebrna značka Univerziteta u Sarajevu“ za jednog od najboljih studenata prvog ciklusa studija Pravnog fakulteta Univerziteta u Sarajevu (ovjerena fotokopija);
14. Odluku broj: 01-91/19 od 28.03.2019. godine o prijemu u članstvo Vijeća Kongresa bošnjačkih intelektualaca (ovjerena fotokopija);
15. Certifikat Paragraf Lex o potpunoj osposobljenosti za osnovni nivo korištenja elektronske pravne baze Paragraf Lex (original);
16. Uvjerenje/potvrda Nacionalnog centra za državne sudove (NCSC) za učešće i JUST-ED projektu (original);
17. Potvrdu od 21.05.2026. godine o statusu studenta III ciklusa studija na Univerzitet u Sarajevu – Pravni fakultet (original);
18. Uvjerenje od 21.05.2026. godine o položenim ispitima i prosječnoj ocjeni na III ciklusu studija 10.0 (original);
19. Prijevod certifikata o poznavanju engleskog jezika - Test of English as a Foreign Language (skr. TOEFL) (original prijevod sačinjen od stalnog sudskog tumača za engleski jezik, 18.02.2021. godine).
20. Potvrda o učešću - Certificate of Participation in the conference „Legal status of the waqf in Bosnia and Herzegovina and the Republic of Turkiye: a comparative perspective (original);
21. Certifikat - Certificate of participating in the international scientific conference XXI CRIMINAL JUSTICE DAYS – CES 25 „Criminalistics, Criminology and Security Studies in the 21st Century“ (original);

22. Potvrdu o učešću - Certificate of Participation and presenting at The Annual International Scientific Conference 2025 "Contemporary Challenges to Legal Systems (original);
23. Potvrdu o učešću - 10th International Tourism and Hospitality Management Congress – ITHMC 2024 (original);
24. Potvrdu o učešću – Certificate of Participation in the conference „ICES 2025 – International Conference on Energy Systems“, Istanbul, 11-14.05.2025. godine (original);
25. Potvrdu o učešću - Participation in the conference "The Dayton Agreement at 30: Legal Reflections, Politics of Fragmentation and the Future of Peacebuilding", Istanbul University, prof. dr. Edina Sudžuka, Haris Hadžijusufović, mr. iur. -*Financing State Cultural Institutions in Post-Dayton Bosnia and Herzegovina: Culture in the Jaws of non-existing "Consensus"*, Istanbul, 28-29.11.2025. godine (original);
26. Potvrdu o učešću - 9th International Scientific Conference on IT, Tourism, Economics, Management and Agriculture – ITEMA 2025, prof. dr. Edina Sudžuka, Haris Hadžijusufović, mr. iur. -*Environmentally Related Taxation and Environment Protection Fund of the Federation of Bosnia and Herzegovina: Lessons from Centralized Governing Approach*, Milano, 06.11.2025. Godine
27. Potvrdu o učešću - 11th International Scientific Conference – „Knowledge based Sustainable Development – ERAZ“ 2025, prof. dr. Edina Sudžuka, Haris Hadžijusufović, mr. iur. - *Structure, Volume and Earmarking of Environmental Taxes in the Federation of Bosnia and Herzegovina*, Barcelona, 05.06.2025. Godine
28. Listu objavljenih knjiga i naučnih radova.

I

2. Ocjena ispunjenosti uvjeta kandidata/kinja za izbor u naučno-nastavno zvanje viši/a asistent/ica

Ispunjenost uvjeta za izbor kandidata/kinja u naučno-nastavno zvanje viši/a asistent/ica na predmetima naučne oblasti **Finansijsko pravo** procjenjivana je prema odredbama člana 112. stav 2. tačka b) i članova 224-228. Statuta Univerziteta u Sarajevu broj: 01-14-35-1/23 od 26.7.2023. godine. Uz vlastoručnu potpisanu prijavu na Konkurs, koja sadrži spisak dostavljene dokumentacije, kandidati/kinje su bili dužni dostaviti slijedeće dokumente i dokaze:

- a) biografiju (CV) u štampanoj i elektronskoj formi;
- b) diplome o završenom I i II ciklusu studija sa dodatkom diplomi (original ili ovjerena fotokopija);
- c) dokaz o provedenom izbornom periodu u zvanju asistenta (za kandidate koji se prijavljuju u skladu sa uslovima iz Zakona o visokom obrazovanju ("Službene novine Kantona Sarajevo" broj 33/17, 35/20, 40/20 i 39/21) (original ili ovjerena fotokopija) - kandidati koji su u inostranstvu stekli diplomu, prilažu dokumentaciju kojom potvrđuju da je inostrana visokoškolska kvalifikacije priznata ili da je takav postupak u toku (original ili ovjerena fotokopija).
- d) kandidati kojima diploma i dodatak diplomi još nisu izdati, bili su dužni dostaviti uvjerenje o završenom ciklusu studija i uvjerenje o prepisu ocjena (original ili ovjerena fotokopija);
- e) izvod iz matične knjige rođenih (original ili ovjerena kopija)
- f) uvjerenje o državljanstvu (origina ili ovjerena kopija, ne starije od 6 mjeseci);
- g) kandidatima je uz prijavu i obaveznu dokumentaciju, ostavljena mogućnost dostavljanja dodatne dokumentacije kao što su: Spisak objavljenih naučnih radova, projekata iz oblasti za koju se vrši izbor, objavljene naučne radove, dokumentaciju o doprinosu procesu internacionalizacije i društvenom doprinosu, podatke o nagradama ili priznanjima s odgovarajućom naučnom oblasti ukoliko ih kandidat posjeduje i sl.

Razmatrajući dostavljenu prijavu na Konkurs, Komisija je uzela u obzir i navedene i potkrijepljene činjenice koje ukazuju na obrazovne, stručne i istraživačke karakteristike sposobnosti, kao i ostvarenja kandidata u naučnoj oblasti finansijsko pravo, te predmetnom akademskom zvanju, u skladu sa odredbama člana 227. Statuta Univerziteta u Sarajevu.

2.1. KANDIDAT HARIS HADŽIJUSUFOVIĆ

2.1.1. Biografski podaci, obrazovanje, stečena zvanja, zaposlenje

Haris Hadžijusufović rođen je 27.6.1994. godine u Švedskoj. Osnovno i srednje obrazovanje stekao je u Bihlaću.

Prvi ciklus studija na Univerzitetu u Sarajevu – Pravnom fakultetu završio je 15.9.2017. godine - Diploma o stečenoj akademskoj tituli i stručnom zvanju Bakalaureat/bachelor prava broj 1933,

sa ostvarenih 240 ECTS i prosječnom ocjenom 9,06. Za uspjeh na I ciklusu studija, kandidatu je dodijeljeno priznanje „Srebrna značka Univerziteta u Sarajevu“ kao jednom od najboljih studenata Pravnog fakulteta Univerziteta u Sarajevu“, broj: 114/17 od 2.12.2017. godine.

Drugi ciklus studija na Pravno-ekonomskom smjeru. Katedra pravno-ekonomskih nauka Univerziteta u Sarajevu – Pravnog fakulteta završio je 29.6.2021. godine uspješnom odbranom završnog rada. Tokom II ciklusa studija ostvario je 60 ECTS i prosječnu ocjenu 9,60 – Diploma o stečenoj akademskoj tituli i stručnom zvanju magistar prava broj 1062 od 18.12.2021. godine.

Kandidat je trenutno student druge godine III ciklusa studija, što potvrđuje priložena potvrda od 21.05.2026. godine o statusu studenta III ciklusa studija na Univerzitet u Sarajevu – Pravnom fakultetu, te uvjerenje od 21.05.2026. godine o položenim ispitima i prosječnoj ocjeni na III ciklusu studija - 10.0. Kandidat je prijavio temu doktorske disertacije pod naslovom: „Odabrani finansijsko-pravni aspekti dekarbonizacije u složenim državama visoko ovisnim o uglju u kontekstu energetske tranzicije Bosne i Hercegovine“.

Radno iskustvo prije zaposlenja na Univerzitetu u Sarajevu – Pravnom fakultetu, kandidat je stekao radeći kao pripravnik Sinees d.o.o. Bihać, te kao pravnik obavljajući, između ostalog, i poslove i zadatke iz oblasti civilne avijacije i hotelijerstva. ljudskih resursa, statusnih pitanja privrednih društava, interdisciplinarnih pitanja i problema u području poslovnog i poreznog prava u društvu Legacy d.o.o. Sarajevo. Kandidat je položio pravosudni ispit, što potvrđuje Uvjerenjem broj 08.020/153-933/20 od 25.9.2020. godine. Od septembra 2022. godine, kandidat je zaposlen na Univerzitet u Sarajevu – Pravnom fakultetu u obavljanju saradničkih poslova na obaveznim/izbornim predmetima naučne oblasti Finansijsko pravo na radnom mjestu asistent - Potvrda broj: 01-748/26 od 14.05.2026. godine o zasnovanom radnom odnosu sa punim radnim vremenom na Univerzitet u Sarajevu – Pravnom fakultetu u zvanju asistenta na naučnoj oblasti Finansijsko pravo.

2.1.2. Naučne, stručne i druge aktivnosti; društveni doprinos i internacionalizacija

Naučne, stručne i druge aktivnosti kandidata procijenjene su temeljem odredaba člana 227. Statuta Univerziteta u Sarajevu broj: 01-14-35-1/23 od 26.7.2023. godine (Smjernice i kriterij za način vrednovanja uvjeta za izbore u akademska zvanja).

Završni rad na drugom ciklusu studija na Univerzitetu u Sarajevu – Pravnom fakultetu, Pravno-ekonomski smjer, pod naslovom „Pravni i institucionalni okvir borbe protiv agresivnog

poreznog planiranja u Evropskoj uniji“, kandidat Hadžijusufović odbranio je u junu 2021. godine;

Kandidat ima znanje engleskog jezika što potvrđuje rezultatima testiranja znanja -TOEFL, od 20.1.2017. godine.

Kandidat je od septembra 2022. godine zaposlen na Univerzitet u Sarajevu – Pravnom fakultetu u obavljanju saradničkih poslova na obaveznim/izbornim predmetima naučne oblasti Finansijsko pravo na radnom mjestu asistent, pri čemu radni angažman uključuje naučno-istraživački rad te učestovanje u nastavi na I i II ciklusu studija u formi izvođenja vježbi i instruktivne nastave. Uz prijavu, kandidat je dostavio potvrdu broj: 01-748/26 od 14.05.2026. godine o zasnovanom radnom odnosu sa punim radnim vremenom na Univerzitet u Sarajevu – Pravnom fakultetu u zvanju asistenta na naučnoj oblasti Finansijsko pravo.

Kandidat je dostavio i potvrdu broj 01-615-1/26 od 17.04.2026. godine o evaluaciji akademskog osoblja, a koja predstavlja prikaz prosječnih ocjena na temelju anonimne evaluacije kandidata u svojstvu asistenta. Uvidom u Potvrdu o evaluaciji akademskog osoblja, koja je vršena semestralno od ljetnjeg semestra 2022/23 do zimskog semestra 2025/26 godine konstatovano je da su prosječne ocjene koje je kandidat ostvario u posmatranim akademskim godinama/semestrima: tri ocjene 5,0, zatim jedna prosječna ocjena 4,93, jedna prosječna ocjena 4,92 i jedna prosječna ocjena 4,62. što upućuje kontinuirano visoke prosječne ocjene i ocjene na predmetima.

Nadalje, kandidat je dostavio certifikat broj: 0101-5478-3/23 od 24.05.2023. godine o pohađanju modula u okviru „Training and Research for Academic Newcomers“ (TRAIN) i dodijeljenih 6 ECTS bodova, čime dokazuje da je uspješno položio navedeni modul namijenjen mladim članovima akademskog osoblja u cilju usavršavanja naučnih i istraživačkih vještina za potrebe obavljanja radnih zadataka u okviru akademskog zvanja asistent.

Kandidat je, također, stekao znanja i vještine u pogledu alata i uređaja koji pomažu osobama s invaliditetom ili drugim poteškoćama da lakše uče i učestvuju u obrazovnom procesu, što Komisije konstatuje uvidom u dostavljeno uvjerenje za sudjelovanje u dvodnevnoj obuci za akademsko nastavno osoblje iz oblasti primjene asistivne tehnologije u nastavnom procesu, od novembra 2022. godine.

U okviru dokaza o posjedovanju nastavnih kompetencija, ali i društvenog angažmana, kandidat je dostavio i potvrdu broj: 01-782/26 od 20.05.2026. godine o članstvu u Vijeću Debatno-retoričkog kluba Pravnog Fakulteta Univerziteta u Sarajevu i vršenju dužnosti koordinatora Kluba, a kandidat je bio jedan od inicijatora osnivanja kluba u 2024. godini. Kandidat je od 2019. godine član Vijeća Kongresa bošnjačkih intelektualaca, što dokazuje Odluka broj: 01-91/19 od 28.03.2019. godine o prijemu u članstvo Vijeća Kongresa bošnjačkih intelektualaca.

Kandidat je uz prijavu priložio i certifikat Paragraf Lex o potpunoj osposobljenosti za osnovni nivo korištenja elektronske pravne baze Paragraf Lex. Temeljem navedene edukacije Paragraf Lex je odabrao kandidata Hadžijusufović Harisa za edukatora studenata Fakulteta za korištenje baze podataka pravnih propisa Paragraf Lex u 2023/24, 2024/25, 2025/26 akademskoj godini. Kandidat je dostavio i uvjerenje/potvrdu Nacionalnog centra za državne sudove (NCSC) za učešće JUST- ED projektu u pogledu organizacije studentske prakse za studente III godine studija UNSA – Pravnog fakulteta tokom 2023/2024 i 2024/2025.

Internacionalizacija

U kontekstu doprinosa procesu internacionalizacije, kandidat je dostavio potvrde o učešću na sljedećim međunarodnim naučnim konferencijama:

- Potvrda o učešću - Certificate of Participation in the conference „Legal status of the waqf in Bosnia and Herzegovina and the Republic of Turkiye: a comparative perspective.

Dostavljene su i potvrde o učešću sa prezentacijama (referatima) na sljedećim međunarodnim naučnim konferencijama:

- Certificate of participating in the international scientific conference XXI CRIMINAL JUSTICE DAYS – CFS 25 „Criminalistics, Criminology and Security Studies in the 21st Century“ održani na Fakultetu za kriminalistiku, kriminologiju i sigurnosne studije 2-3. Oktobra 2025. Godine s prezentiranim koautorskim radom prof. dr. Edina Sudžuka, Haris Hadžijusufović, mr. iur. pod naslovom: Pravne posljedice osude u izvorima finansijskog prava Federacije Bosne i Hercegovine;

- Potvrda o učešću – Certificate of Participation and presenting at The Annual International Scientific Conference 2025 „Contemporary Challenges to Legal Systems“, održane 7.11.2025. godine u Skoplju, na Pravnom fakultetu Iustinianus Primus, sa prezentiranim koautorskim radom prof. dr. Edina Sudžuka, Haris Hadžijusufović, mr. iur. pod naslovom: Economic Analysis of Tax Evasion and System of Criminal Sanctions in Federation of Bosnia and Herzegovina;

- Potvrda o učešću - 10th International Tourism and Hospitality Management Congress - ITHMC 2024, održane u oktobru 2024. godine na Univerzitetu u Sarajevu, Prirodno-matematičkom fakultetu sa prezentiranim koautorskim radom prof. dr. Edina Sudžuka, Haris Hadžijusufović, mr. iur. pod naslovom: Financing tangible cultural heritage preservation: An analysis of public expenditures and administrative models of resource allocation with specific view of the expenditures for tangible cultural and historical heritage preservation in Kanton Sarajevo 2020-2024;

- Potvrda o učešću – Certificate of Participation in the conference „ICES 2025 – International Conference on Energy Systems“, Istanbul, 11-14.05.2025. godine, s prezentiranim koautorskim radom prof. dr. Edina Sudžuka, Haris Hadžijusufović, mr. iur. pod naslovom An Analysis of Economic and Fiscal Impact of National Emissions Trading System (ETS) Regulation and Renewable Energy Investments on Fiscal Stability: Case of Bosnia And Herzegovina;

- Participation in the conference “The Dayton Agreement at 30: Legal Reflections, Politics of Fragmentation and the Future of Peacebuilding”, Istanbul University, prof. dr. Edina Sudžuka, Haris Hadžijusufović, mr. iur. - Financing State Cultural Institutions in Post-Dayton Bosnia and Herzegovina: Culture in the Jaws of non-existing “Consensus”, Istanbul, 28-29.11.2025. godine;

- 9th International Scientific Conference on IT, Tourism, Economics, Management and Agriculture – ITTEMA 2025. prof. dr. Edina Sudžuka, Haris Hadžijusufović, mr. iur. - Environmentally Related Taxation and Environment Protection Fund of the Federation of Bosnia and Herzegovina: Lessons from Centralized Governing Approach, Milano, 6.11.2025. godine;

- 11th International Scientific Conference – „Knowledge based Sustainable Development – ERAZ“ 2025, prof. dr. Edina Sudžuka, Haris Hadžijusufović, mr. iur. - Structure, Volume and Earmarking of Environmental Taxes in the Federation of Bosnia and Herzegovina, Barcelona, 5.6.2025. godine.

Naučne kompetencije kandidata potvrđuje lista objavljenih naučnih radova i knjiga:

Knjiga:

1. Edina Sudžuka, Džamna Duman Vranić, Haris Hadžijusufović, Dino Kovačević: Prava djeteta u sistemu javnih politika i budžetskog planiranja u Bosni i Hercegovini, Univerzitet u Sarajevu – Pravni fakultet, Sarajevo, 2026., str. 196. COBISS 68812294.

Knjiga Prava djeteta u sistemu javnih politika i budžetskog planiranja u Bosni i Hercegovini predstavlja sistematičan prikaz realizacije javnih politika, posebno budžetske politike u kontekstu dječjih prava u Bosni i Hercegovini. Imajući u vidu da budžetska politika predstavlja sjecište javnih politika, a budžet centralni instrument javnog finansiranja, a fortiori realizacije mjera i instrumenata svih javnih politika, autori/ce nastoje sadržaj Konvencije o pravima djeteta, a naročito Općeg komentara br. 19 UN-ovog Komiteta za prava djeteta, dovesti u kontekst različitih faza budžetskog procesa, te budžetskog pluraliteta u uvjetima složenog ustavno-političkog sistema u Bosni i Hercegovini. Sadržaj knjige je u velikoj mjeri uvjetovan razumijevanjem djeteta kao subjekta prava, a ne samo objekta pravne zaštite, pa se u uvodnom dijelu pruža kratki osvrt na temeljne principe na kojim počiva involviranje djeteta u javne politike, kao i razumijevanje uloge države u obezbjeđenju participacije i najboljeg interesa djeteta. Kroz prikaz institucionalnog i pravnog okvira pojedinih sektorskih politika čiji sadržaj integriše prava djeteta, zatim kroz analizu procesa formulacije javnih politika u sferi dječjih prava, te naposljetku, kroz identifikaciju ključnih institucionalnih aktera u segmentu koordiniranja javnih politika i koordinacije različitih razina vlasti u uvjetima fragmentiranih nadležnosti za utvrđivanje pojedinih javnih politika, autori/ce nastoje prikazati kompleksnost problematike integracije prava djeteta u sektorske politike i ulogu komplementarnih mehanizama koji za cilj imaju medusektorsko usaglašavanje kako bi budžet, kao centralni instrument javnog finansiranja, mogao na adekvatan način obuhvatiti strateške ciljeve pojedinih mjera i instrumenata u okviru sektorskih politika. Posebna pažnja posvećena je valjanom razumijevanju ključnih fiskalnih principa iz Općeg komentara br. 19, te domaćaju tih principa

u praksi. Nadalje, autori/ce kroz izlaganja o funkcijama budžeta i pozitivnopravnom okviru budžetskog prava Bosne i Hercegovine, nastoje približiti značaj i ulogu strateškog planiranja i realizacije prava djeteta u okviru svih faza budžetskog ciklusa, počev od budžetskog planiranja do realizacije budžeta, posvećujući značajnu pažnju ex post evaluaciji i analizi budžetiranja u funkciji ostvarenja prava djeteta. Naposljetku, autori iznose ključne fiskalne i pravne probleme u pravnom poretku Bosne i Hercegovine, koji se negativno održavaju na realizaciju prava djeteta, te na osiguranje principa jednakosti i nediskriminacije djeteta.

Naučni radovi:

1. Sudžuka Edina, Hadžijusufović Haris (2024): Financing tangible cultural heritage preservation: An analysis of resource allocation models with overview of expenditures for tangible cultural heritage in Sarajevo Canton 2020-2024, *Journal of Tourism and Hospitality Management*, 2024, Year 10/Vol.10, p. 113-140. Izvorni naučni rad (potvrda o klasifikaciji rada dostavljena uz rad)
https://www.ithmc.com/sites/default/files/u308/jthm_vol_10_final_2024.pdf

Autori se u radu bave se pitanjem finansiranja zaštite materijalne kulturne baštine sa fokusom na Kanton Sarajevo u vremenskom periodu od 2020. do 2024. godine. U radu se analizira normativni i institucionalni okvir finansiranja kulturne baštine, posebno Ministarstva kulture i sporta Kantona Sarajevo, Federalnog ministarstva kulture i sporta, zatim Kantonalnog zavoda za zaštitu kulturno-historijskog i prirodnog naslijeđa Sarajeva i drugih institucija. Istaknuto je da u Bosni i Hercegovini postoji više različitih modela kulturnih politika, usljed fragmentiranosti kulturnih politika, što dodatno usložnjava planiranje i raspodjelu finansijskih sredstava za zaštitu kulturnih dobara. Posebna pažnja posvećena je strateškim dokumentima koji povezuju kulturnu baštinu i turizam, uključujući razvojne strategije Federacije Bosne i Hercegovine i Kantona Sarajevo. U radu se naglašava da kulturno-historijsko naslijeđe predstavlja važan turistički resurs te da ulaganja u njegovu zaštitu imaju direktan utjecaj na razvoj turizma, unapređenje identiteta destinacije i jačanje kulturne ponude Sarajeva. Analizom budžetskih izdvajanja za period 2020–2024. autori nastoje utvrditi obrasce raspodjele sredstava i procijeniti efikasnost postojećeg modela finansiranja. Zaključuje se da je za dugoročnu i održivu zaštitu materijalne kulturne baštine potrebno unaprijediti koordinaciju između različitih nivoa vlasti, osigurati stabilnije izvore finansiranja te jače povezati kulturnu politiku sa

strategijama razvoja turizma. Iako analizirani podaci pokazuju gotovo neprekidnu tendenciju rasta izdvajanja za kulturu, a time i zaštitu kulturne baštine, SWOT analiza ukazuje na neke problematične institucionalne obrasce u alokaciji javnih sredstava za javne pozive poput formalizma u procesu podnošenja aplikacija, ali i nedovoljne distinkcije između različitih kategorija kulture, prevashodno u kontekstu kulturno-historijskog nasljeda. Također, autori smatraju da javne kulturne institucije moraju povećati razinu konkurentnosti usljed apsolutne ovisnosti u funkcionisanju od budžetskih sredstava koja su im dodijeljena. Kao najveći problem u aktuelnom modelu alokacije javnih sredstava, ističe se nedostatak ex-post i ex-ante analiza u pogledu učinkovitosti u procesu odabira kapitalnih projekata čija obnova i restauracija mogu osigurati priliv dodatnih budžetskih sredstava direktnim i indirektnim putem usljed povećanja turističke ponude.

2. Sudžuka, Edina i Hadžijusufović, Haris. (2025). Economic Analysis of Tax Evasion: Deterioration and System of Criminal Sanctions in Bosnia and Herzegovina and Federation of Bosnia and Herzegovina, *Iustinianus Primus Law Review*, Vol. 16 No. 3 (2025): Winter Issue. p.7-19. Izvorni naučni rad (potvrda o klasifikaciji dostavljena uz rad) <https://journals.ukim.mk/index.php/iplr/article/view/4441/4054>

Autori u ovom radu analiziraju aktuelnu sudsku praksu u kontekstu izricanih osuđujućih presuda učiniteljima krivičnih djela iz oblasti poreza u posmatranom periodu, te izrečene krivične sankcije u individualnim predmetima. Analizirano je ukupno 327 pravnosnažnih osuđujućih presuda Suda Bosne i Hercegovine, te 43 pravosnažne osuđujuće presude sudova u Federaciji Bosne i Hercegovine. Prema dobijenim empirijski rezultatima može se zaključiti da apsolutna većina osuđenih učinitelja krivičnih djela iz oblasti poreza u praksi, bilo zbog izricanja uslovnih osuda na kaznu zatvora, bilo zbog primjene insituta zamjene kazne zatvora novčanom kaznom, uspješno izbjegne služenje kazne zatvora. U pravilu, kod učinitelja krivičnih djela koji nisu izbjegli odsluženje kazne zatvora, posrijedi je neki od kvalifikovanih oblika porezne utaje ili sticaj krivičnih djela. Pored toga, autori navode i treći problem, koji se negativno održava na odvracanje potencijalnih učinitelja krivičnih djela, a koji je vezan za odsustvo konfiskacije nezakonito pribavljene imovinske koristi učinjenjem krivičnih djela. Naposljetku, autori zaključuju da je potrebno revidiranje kaznene politike sudova u praksu, uključujući pribjegavanje izricanju uslovnih osuda, s obzirom da rezultati istraživanja pokazuju negiranje objekta zaštite kod krivičnih djela iz oblasti poreza, pa se stiče utisak o nerazumijevanju fiskalne dimenzije problema u očima sudova koji izriču krivične sankcije

učiniteljima navedenih krivičnih djela i nedovoljnoj pažnji prikupljanju javnih, a posebno poreznih prihoda. Alternativno bi, prema autorima, uvođenje progresivnih novčanih sankcija moglo potencijalno doprinijeti odvraćanju učinitelja krivičnih djela porezne utaje i drugih krivičnih djela iz oblasti poreza u Bosni i Hercegovini.

3. Sudžuka, Edina i Hadžijusufović, Haris. (2025). Fiscal Implications of National Emissions Trading System (ETS) and Decarbonization in Bosnia and Herzegovina. *Economic Review: Journal for Economics and Business – University of Tuzla*, ISSN (Print) 1512-8962, ISSN (Online) 2303-680X, Vol. 23, No. 2. 2025. Naučni rad <https://er.ef.untz.ba/index.php/er>

Kao odgovor na problem tzv. curenja ugljika koji se javlja kao posljedica primjene Europskog sistema trgovine emisijama (ETS). Europska unija je uspostavila Mehanizam za prekogranično prilagodavanje ugljika (CBAM), čine su države koje intenzivno trguju sa europskim tržištem, uključujući Bosnu i Hercegovinu, suočene sa snažnim podsticajima za razvoj vlastitih instrumenata određivanja cijene ugljika i sistema trgovine emisijama. U radu se najprije razmatraju međunarodne obaveze Bosne i Hercegovine koje proizlaze iz članstva u Energetskoj zajednici i procesa usklađivanja sa pravnom stečevinom Evropske unije u oblasti energetike i klimatske politike. U tom kontekstu analiziraju se osnovni elementi CBAM-a, njegov način funkcionisanja i potencijalni uticaj na privredu Bosne i Hercegovine. U središnjem dijelu rada autori procjenjuju ekonomsku opravdanost uspostavljanja nacionalnog sistema trgovine emisijama upotrebom ekonomske analize prava, a potom i dovođenja rezultata analize u vezu sa ključnim makroekonomskim pokazateljima i strukturi fiskalnih prihoda u BiH. Analiza se zasniva na raspoloživim podacima o strukturi proizvodnje električne energije, značaju uglja u energetskom sektoru, izvoznim tokovima i izloženosti domaće ekonomije budućim troškovima ugljika. Autori insistiraju da uspostavljanje domaćeg ETS-a predstavlja racionalan odgovor na promijenjene trgovinske okolnosti koje nastaju primjenom CBAM-a, te nalaze dovode u vezu sa Nacionalnim energetskim i klimatskim planom Bosne i Hercegovine do 2030. godine (NECP). Na osnovu procjena troškova dekarbonizacije i očekivanih cijena emisijskih jedinica razmatraju se fiskalne posljedice energetske tranzicije, temeljem čega autori ukazuju da bi ubrzano napuštanje uglja moglo proizvesti značajne fiskalne i socijalne efekte, s obzirom na veliku zavisnost domaći proizvodnje električne energije od fosilnih goriva, kao i neujednačenu teritorijalnu koncentraciju industrija koje bi bile najviše pogođene tranzicijom. Rezultat bi u takvim uvjetima utjecao na fiskalnu stabilnost postojećeg sistema s obzirom na potencijalne

posljedice po javne prihode i rashode. S jedne strane, dekarbonizacija može dovesti do smanjenja pojedinih fiskalnih prihoda usljed promjena u industrijskoj aktivnosti, izvozu i potrošnji energije. S druge strane, očekuje se rast budžetskih izdataka povezanih sa finansiranjem infrastrukturnih projekata, podrškom privredi radi očuvanja konkurentnosti, programima prekvalifikacije radne snage te mjerama socijalne zaštite stanovništva izloženog rastu troškova života. Poređenjem procijenjenih troškova implementacije NECP-a sa dosadašnjim nivoom javne potrošnje u Bosni i Hercegovini, autori ukazuju na potencijalne rizike za dugoročnu fiskalnu održivost. U tom kontekstu razmatraju se mogućnosti finansiranja tranzicije putem međunarodnih fondova, vanjskih izvora finansiranja i eventualnog povećanja javnog duga. U zaključnim razmatranjima identificirana su ključna pitanja koja ostaju otvorena za buduća istraživanja te predložen skup mjera usmjerenih na efikasniju fiskalnu koordinaciju i normativno uređenje nacionalnog sistema trgovine emisijama. Poseban naglasak stavljen je na izazove koji proizlaze iz složene ustavne strukture Bosne i Hercegovine, podijeljenih nadležnosti između različitih nivoa vlasti i potrebe usklađivanja fiskalne, energetske, klimatske i okolišne politike u procesu provođenja energetske tranzicije.

4. Sudžuka, Edina i Hadžijusufović, Haris. (2026). Collateral Consequences of Conviction in the Sources of Financial Law of Bosnia and Herzegovina and the Federation of Bosnia and Herzegovina. Pravna misao, ISSN 0555-0092, 1-2 januar – februar, 2026. (u proceduri objave). Prethodno naučno saopćenje https://fmp.gov.ba/wp-content/uploads/2026/04/Pravna-misao_1-2_2026-web-korica.pdf

Institut pravnih posljedica krivične osude predstavlja mehanizam putem kojeg osuda za krivično djelo proizvodi određene negativne učinke u pravnoj sferi osuđenog lica, iako takvi učinci nisu sadržani u samoj presudi. Njihovo nastupanje zasniva se na odredbama posebnih propisa, dok materijalno krivično zakonodavstvo definiše pretpostavke, granice i osnovna obilježja ovog instituta. Predmet rada jeste ispitivanje normativnih rješenja sadržanih u propisima finansijskog prava Bosne i Hercegovine i Federacije Bosne i Hercegovine kojima se za osuđena lica predviđaju određena ograničenja u ostvarivanju prava. Analiza je usmjerena na utvrđivanje da li su takva ograničenja usklađena sa pravilima materijalnog krivičnog prava koja uređuju pravne posljedice osude. Istraživanje je obuhvatilo ukupno dvadeset i jedan propis iz oblasti finansijskog prava, od čega se šest odnosi na državni nivo, a petnaest na nivo Federacije Bosne i Hercegovine. Utvrđeno je da većina analiziranih zakonskih rješenja odstupa od okvira postavljenog krivičnim zakonodavstvom, dok je potpuna usklađenost potvrđena u svega tri

slučaja. Radi sistematičnijeg prikaza rezultata, identificirani oblici odstupanja razvrstani su prema njihovim osnovnim karakteristikama i pravnim efektima. Posebna pažnja posvećena je pitanju pravne prirode pravnih posljedica osude. Autori polaze od stava da se ovaj institut ne može posmatrati kao isključivo krivičnopravni fenomen. Umjesto toga, ukazuju na njegovo granično mjesto između civilnog i krivičnog prava, odnosno na mogućnost njegovog razumijevanja kao instituta mješovite pravne prirode. U završnom dijelu rada razmatra se opravdanost uočenih normativnih odstupanja. Polazeći od svrhe finansijskopravne regulacije i interesa koje ona štiti, autori zaključuju da pojedina ograničenja, iako formalno neusklađena sa pravilima krivičnog prava, mogu biti opravdana kroz primjenu načela proporcionalnosti. S druge strane, za značajan broj analiziranih rješenja autori ukazuju na upitnost u pogledu zahtjeva za legitimnosti, nužnosti i srazmjernosti koji proizlaze iz savremenih standarda zaštite ljudskih prava.

5. Sudžuka, Edina i Hadžijusufović, Haris. (2026). Kapacitiranost porezne administracije u otkrivanju porezne evazije u FBiH. *Pravna misao*, 3-4 mart april 2026. ISSN 0555-0092. https://fmp.gov.ba/wp-content/uploads/2026/05/Pravna-misao_3-4_2026-web.pdf

Polazeći od metoda i alata ekonomske analize prava, sa osloncem na klasični model odvrćanja od porezne evazije, koji su izradili Allingham & Sandmo, autori ispituju kapacitiranost porezne administracije za otkrivanje porezne evazije u Federaciji Bosne i Hercegovine. Analizom dostupnih i zvanično dobijenih statističkih podataka, te godišnjih izvještaja o radu, autori nastoje utvrditi vezu između mogućnosti otkrivanja učinioca krivičnih djela porezne utaje, shodno ljudskim i informatičkim kapacitetima porezne administracije i broju provedenih istraga, te racionalnog stava poreznih obveznika u pogledu poticaja koji (ne)kapacitiranost stvara u pogledu potencijalnog učinjenja krivičnih djela iz oblasti poreza. U zaključnim razmatranjima navedeno je da teorija racionalnog odabira, kao alat ekonomske analize prava, ukazuje na postojanje značajnog prostora za unapređenje kapaciteta porezne administracije u FBiH, s ciljem stvaranja efekta odvrćanja potencijalnih učinitelja krivičnih djela. Identificirane oblasti i ključni aspekti kapacitiranosti porezne administracije, kao i apsolutni broj provedenih istraga i broj sačinjenih krivičnih izvještaja, neumoljivo pokazuju da je potrebno osigurati veća sredstva za rad porezne administracije, posebno zbog kontinuirane tendencija rasta efikasnosti organa porezne administracije koja je zabilježena u proteklom periodu. Analiza pokazuje da je nužno provesti dodatne studije s ciljem utvrđivanja optimalne

razine porezne evazije, radi jasnijeg razumijevanja budžetskih potreba porezne administracije s ciljem jačanja kapacitiranosti. Nadalje, autori iskazuju potrebu za noveliranjem određenih zakona, neophodnoj da se administraciji omogući efikasnost, prohodnost i brže prikupljanje podataka od relevantnih tijela i institucija, uključujući organizacije platnog prometa. Napokon, autori su identificirali i ključne interne faktore čije adresiranje može poboljšati rad porezne administracije i omogućiti postizanje većeg efekta u odvratanju potencijalnih učinitelja krivičnih djela iz oblasti poreza, a polazeći od nelogičnosti u sistematiziranju radnih mjesta u poreznoj administraciji, te odstupanju u rezultatima i efikasnosti pojedinih kantonalnih poreznih ureda na horizontalnoj ravni.

2.1.3. Ocjena ispunjenosti uvjeta kandidata za izbor u naučno-nastavno zvanje viši asistent

Ispunjenost uvjeta za izbor kandidata u naučno-nastavno zvanje viši/a asistent/ica na predmetima naučne oblasti Finansijsko pravo procjenjivana je prema odredbama: čl. 112, stav 2, tač. b) ZVO.

Uslov: Završen drugi ciklus studija sa najnižom prosječnom ocjenom 8 ili 3,5

Na osnovu Diplome o stečenju akademskoj tituli i stručnom zvanju bakalaureat/bachelor prava, broj 1933, sa dodatkom diplomi, Komisija konstatuje da je kandidat Haris Hadžijusufović dana 2.12.2017. godine diplomirao na prvom ciklusu studija u trajanju od osam semestara/četiri godine sa ostvarenih 240 ECTS bodova, te stekao akademsku titulu i stručno zvanje bakalaureat/bachelor prava na Univerzitetu u Sarajevu - Pravnom fakultetu, sa prosječnom ocjenom 9,06. Nositelj je posebnog priznanja „Srebrna značka Univerziteta u Sarajevu“ od 2.12.2017. kao jedan od najboljih studenata prvog ciklusa studija Pravnog fakulteta Univerziteta u Sarajevu

Komisija je uvidom u Diplomu broj 1062 od 18.12.2021. godine, te Dodatak diplomi i Uvjerenje o prepisu ocjena utvrdila da je Haris Hadžijusufović na drugom ciklusu studija na Pravno-ekonomskom sinjeru Univerziteta u Sarajevu – Pravnog fakulteta u trajanju od dva semestra/jedna studijska godina ostvario prosjek ocjena 9,60 i 60 ECTS. Iz svih obaveznih i izbornih predmeta naučnih oblasti Finansijsko pravo i Pravno-ekonomske nauke: Porezno pravo i porezni sistem ostvario najvišu ocjenu – deset (10), odabrao izborni predmet iz naučne oblasti Finansijsko pravo (Budžetsko pravo) i ostvario najvišu ocjenu deset (10), te je ostvareni

prosjeck ocjena kandidata iz predmeta naučne oblasti Finansijsko pravo na II ciklusu studija 10,00, kao i prosjeck ocjena iz predmeta Katedre pravno-ekonomskih nauka 10,00. Akademsku titulu i stručno zvanje magistra prava kandidat Hadžijusufović stekao je odbranom završnog rada iz naučne oblasti Finansijsko pravo, pod naslovom: „Pravni i institucionalni okvir borbe protiv agresivnog poreznog planiranja u Evropskoj uniji“ dana 29.6.2021. godine.

Komisija konstatuje da je kandidat završio prvi i drugi ciklus studija sa ostvarenih **300 ECTS** bodova na UNSA - Pravnom fakultetu sa prosječnom ocjenom 9,06 na prvom ciklusu studija, odnosno 9,60 na drugom ciklusu studija. Ukupni ostvareni prosjeck ocjena kandidata na oba ciklusa studija na Pravnom fakultetu je **9,11**.

Kandidat ispunjava uslove za izbor u naučno-nastavno zvanje asistent na predmetima naučne oblasti Finansijsko pravo u skladu sa odredbama: čl. 112. st. (2) tačka b) ZVO.

2.1.4. Ocjena ispunjenosti općih uslova kandidata

Kandidat je uz prijavu dostavio biografiju (CV), uvjerenje o državljanstvu i izvod iz matične knjige rođenih, u skladu sa tekstom Konkursa.

Kandidat ispunjava opće uslove za izbor u naučno-nastavno zvanje asistent u skladu sa tekstom Konkursa.

II

Zaključna ocjena i prijedlog Komisije

Na konkurs za izbor jednog/jedne asistenta/ice na predmetima naučne oblasti Finansijsko pravo na studijskim programima UNSA - Pravnog fakulteta, objavljenom u listu „Dnevni avaz“ i na web stranicama Univerziteta u Sarajevu (dalje: UNSA) i UNSA - Pravnog fakulteta dana 11.05.2026. godine, prijavio se jedan (1) kandidat.

Predlaže

da se na osnovu svih prethodno navedenih činjenica, argumenata i obrazloženja u pogledu ispunjenosti uvjeta za izbor, propisanih Zakonom o visokom obrazovanju Kantona Sarajevo i Statutom Univerziteta u Sarajevu, *kandidat*

Haris Hadžijusulović, mr. iur. izabere u naučno nastavno zvanje viši asistent na naučnoj oblasti Finansijsko pravo.


Sarajevo, 17.06.2026. godine

Komisija u sastavu:

1. Prof. dr. Edina Sudžuka, redovna profesorica Univerziteta u Sarajevu – Pravnog fakulteta na naučnoj oblasti Finansijsko pravo, predsjednica i članica;



2. Prof. dr. Elena Neshovska K Joseva, vanredna profesorica na Pravnom fakultetu „Justinianus Primus“, Univerziteta Sv. Kiril i Metodije u Skoplju, na naučnoj oblasti Finansijsko pravo, članica.



3. Prof. dr. Bojana Vasiljević Poljašević, vanredna profesorica na Pravnom fakultetu Univerzitet u Banjoj Luci na uđoj naučnoj oblasti Finansijsko pravo, članica.

